



**Nobōm̄ba 2025
len Ekāālel eo Ejenolok**

**Peba in Melele ko an
Ribout
in Bukon eo an Marion ilo
Kajin Majol**



Jejjetin Peba an Bukon eo an Marion Peba in Melele eo an aoleb Ribout

**Melele in Kajinet an Ribout ñan Rijibadōk Jea Ro
an Jukjukinbed eo im Kōttōpar ko
len Bout eo Ejenolok • November 4, 2025**

Palōt ko an ien Ekāālel in renaj mael nan ribout ro emoj
kadelon ettaer ilo October 15, 2025.

Kememej in Jaini Etam ilo Kilin Letā eo ñan Karool Pālōt
eo Am.

Rej aikuj loe palōt ko emōj bout ilo juon Opij ej bok eddoin
len Bout ak bar juon Jikin Boklok Palōt ilo Oreogn mokta
jen 8:00 awa jota, November 4, 2025, ak Kakōlle kin
Jitaam mokta jen November 4, 2025, im loe mokta jen
November 12, 2025.

Juon Enaan jen Clerk eo...

Iokwe Ribout eo ilo Bukon eo an Marion,

Kwoj loe kōjella in konke kwoj jokwe ilo juon ian city ak bukon ko rej kommane Bout eo ilo November 4. Ejab aoleb city im bukon ko rej kommane juon ien bout ilo November in. Aoleb ribout ro an Bukon eo an Marion im Oregon renaj bout ilo iio eo juon ilo len Bout eo an pade ilo May 2026 im ilo len Bout eo Elab ilo November 2026.

Jouj im etale peba in melele in nan raan ko raurok im komelele ko nan am kwor tokjen kelet eo am. Jouj im kebaak opij eo an Clerk eo an Bukon ilo 503-588-5041 ne ewor jabdewot kajjitok. Kom ej bed ijin nan jiban kwe.

Kom maron lewaj kojella ilo text im email ejellok wonnen nan am lale ebed ia pālōt eo am. Kadelon etam ilo marioncountyclerk.ballottrax.net/voter ne ejab ilo webjait eo amim.

Kommol kin am jibañ kōmman bwe armij ren kojerbal maroñ ko aer ilo aer maroñ juon ribout eo emoj an bōk melele. Kwoj ruwainene in itok nan opij eo amim im lale waween an madmod bout ko.

Ilo kautiej,

Bill Burgess

Clerk eo an Bukon eo an Marion

503-588-5041

Website: <http://www.co.marion.or.us/CO/elections>



Ewi Waween Ao Kebaak Opij eo an Clerk an Bukon eo an Marion (Marion County Clerk's Office)?



Marion County
OREGON

Ilo am Jade lok:

Opij eo an Clerk an Bukon eo an Marion (Marion County Clerk's Office)
503.588.5041
Suit 2130 (Buloor 2) Jikin Imōn Ekajet (Courthouse Square)
Salem, OR 97301

Ilo Mael:

PO Box 14500
Salem, OR 97309

Ilo Talebon:

503.588.5041
ak 1.800.655.5388

Kin TTY:

(aikuj kein jibañ ko an ro rejarofñroñ ak ewōr utamwe ikijen roñjak)
1.800.735.2900

Kin E-Mail:

elections@co.marion.or.us

Kin Fax:

503.588.5383

Lale Webjait eo Amim:

www.co.marion.or.us/co/elections





Awa ko an Opij ej jen
8:30 awa jibbon nan 5:00 awa jota,
Mande - Boliade

Awa ko ilo Raan in Bout ej November 4,
7:00 awa jibbon nan 8:00 awa jota.

Jouj im kebaak opij eo amim elane:
Kwoj aikuji juon **Pālōt Kokkaal**
Kwoj aikuji juon **Pālōt eo Ekileb Jeje,**
Kwoj aikuj **jiban kakolle pālōt eo am**
Kwoj konaan **etale** im lale an wor an armej maron iomwin kakien ilo jerbal ko



Jikin eo Emoj Kalikar nan Boklok Pālōt ko ilo Bukōn eo an Marion

Jikin boklok pālōt ko ilo Bukwōn eo an Marion emōj kōlaajrak ilal renaj bellok jino jen Oktoba 15 raan. Ilo Raan in Bout eo, Nobōmba 4 raan, jikin boklok pālōt ko renaj bellok wōt mae 8:00 awa jota.

KWŌJAB aikuj ilik jitaam in mael ñe kwōnaj kōjerbal Jejjetin Bok eo emoj Kalikar nan Ilik Pālōt eo an Bukon eo an Marion.

Clerk eo an Bukon eo an Marion
555 Court St NE, Ste 2130, Salem

Bok Iloan Em nan Boklok Palot
Mande ñan Bolaide 8:30 Awa Jibbon – 5 Awa Jota
Raan in Ekāālel 7 Awa Jibbon – 8 Awa Jota

Laibrae eo an Kien ilo Stayton (Stayton Public Library)
515 N First St, Stayton

Bok in Boklok Pālōt Iturin Ial eo
24 Awa

Woodburn Public Library
280 Garfield St, Woodburn

Bok in Boklok Pālōt Iturin Ial eo
24 Awa

Pālōt ko an ribout ro ilo Bukon eo an Marion remaron lelok wōt jen ibben Clerk eo an Bukon im rijerbal.

555 Court St NE, Suite 2130 (Buloor 2), Salem



Ewi Waween Ao Maron ke Bout ilo Oregon?

Emōj kile ke eō ñan kadeloñ eta ñan bout ilo Oregon?

Emōj kile eōk ñan bout ilo Oregon ñe kwōmaron uwaak aet ñan kajitōk ko laajrak:

- Kwe ke juon eo ej jokwe ilo Oregon?
- Kwe ke juon citizen in Amedka?
- Kwōjab diklok jen 16 am iiō?

Ñe ejañin de 18 am iiō, kwōban loe juon pālōtt mae ien ekāālel eo enaj walok ilo ak alikin raan in kemem eo am bwe en 18 am iiō.

Ewi wāween aō kadeloñ etta ñan bout ilo Oregon?

Ñan kadeloñ etam ñan bout kadedelok Kaat in Kadeloñ Etan Ribout ñe ejab kōjerbal madmōdin kadeloñ āt eo online ñan lelok molin aoleben etam, atorej in mweo imōm, jabdewōt atorej in mael eo ejenolok, raan in lotak, jain in etam, im laijen im kōmelim in kattor jen DMV eo an Oregon, ne ejab ID kaat. kein kalikar won kwe. Ewōr madmōdin kadeloñ etan ribout online ilo www.oregonvotes.gov/ nan ro ewor aer jejetin laijen, komelim kattor jen DMC, ak ID kaat.

Ewor peba an kaat in kadelon etan ribout ilo jabdewot opij in ekaalel an bukon, jet post office ko, Opij eo an Secretary of State, im jet opij ko an state einwot DMV.

Ne emoj de kadelon etam nan bout, kwomaron kokkaal melele ko nan kadelon etam jabdewot ien. Botab, elane kwoj juon ribout eo ekaal ilo Oregon, kwoj aikuj lelok kaat in kadelon etan ribout eo am mokta jen October 14 emaron ilo:

Mael ae kaat in kadelon at eo, kakolle in jitaam eo ej ilo ak mokta jen **October 14**
AK

Boklok kaat in kadelon etan ribout ñan opij in bout eo ilo county ak opij in kadeloñ etan ribout (einwōt, DMV) ilo ak mokta jen **October 14**

Ne kwoj lelok juon kaat in kadelon at alikin **Oktoba 14**raan im kwoj kab bout, enaj delon etam, botab kwoban maron bout ilo ien ekaalel in, im kwonaj loe palot eo am ilo ien bout ko ilo jeklaj.

Komelele ko ikijen Kilen Bout

Etale mottan peba ko an pālōt eo

Ilo ien an tobar waj peba in palot eo am ilo mael, aikuj wōr jab diklok jen melele ko laajrak:

- Juon pālōt eo ejellok jeje kobban
- Kilin leta eo ewōr kadede atorej ie ñan am karoole
- Laajrakin Etan Jikin ko Ejejet ñan Boklok Pālōt

Ne ewor jabdewot melele ko rejako,jouj im kebaak opij eo amim ilo ien eo wot.

Melele Aurok ikijen Pālōt:

Ne palot eo ejab atorej nan kwe:

Elañe emōj an tōbarwoj juon pālōt ñan atorej eo am, im ej atorej ñan bar juon armej EJAB jokwe ilo atorej eo am, jouj im kommane melele in laajrak:

1. Jouj im JAB kakolle ilo jikin etan im kakolle in nomba eo botab kwon jeje ilo kilin leta eo “Not at Adress (Ejab Ilo Atorej)” ak jikin eo einwot, einwot waan jonak in ijin lal.
2. Karool kilin leta ejanin bellok ñan bok in mael eo am, post office ak jikin jilkinlok leta, ne ejab likut ilo juon Jejjetin Jikin Boklok Palot.

Kojellaik Opij eo an Clerk an Bukon eo an Marion (Marion County Clerk’s Office) mokta jen bout elane:

- Oktak etam jen āt eo ilo lebol eo
- Emōj an oktak atorej in mweo imōm
- Emōj am likut bar juon, jolok, ak ukot atorej in mael.

Kakolleik palot eo am

Lolorjak an jimwe am kakolleik palot eo am! Loor komelele ko nan kakolleik palot eo am:


- Kōjerbal juon pen kalor kilmej ak būlu
- Lukun kanne bok eo ituanmiiñ in eo kwar kelete.
- Ñan bout ae juon melele ak kajjitok, kanne bok eo iturin melele in kelet “Yes (Aet)” ak “No (Jab)”.



EINWOT
MENNIN:



EJAB MENNIN



EJAB MENNIN



Kommane kelet ko

Lukun kanne bok eo ituanmiiñ in eo kwar kelete. Ejab melim kelet elablok jen jonan ko emoj komelim.




Am kommane waween in enaj jemlok ilo an *lab jonan bout* im ejellok bonobon ko nan kelet ko reban bonobon.

Am likjab in jab kanne juon bok enaj jemlok ilo an *dik jonan bout* im kwonaj jab bout nan kelet eo.

Dik jonan bout ko im Lab jonan bout ko, rejab kakkure aoleben palot eo, enaj wot kelet eo emoj kakolle.

Waween komman kajimwe

Ne kwonaj kommane juon bod, je juon lain ilo aolepen uwaak ak etan rijibadōk eo. Innem, kommane kelet eo kwar konaan. Nan komman an alikar ta eo kwokonaan kwomaron je, “this one (melele in)” ak juon “←” iturin melele eo kwoj kelet.



Am bebe in jeje iloan

Nan kobaiki etan juon rijibadōk jea ejab laajrak etan ilo palot eo, kojerbal bok in jeje eo. Ilo jikin eo, jeiki etan rijibadek jea eo kwokonaan ilo lain in jeje eo, im loloorjak am lukkun kanne aoleben bok eo ituanmiiñ in melele eo kwoj jeiki.



Kakien ñan kelet ak jab kelet ilo ien ekāālel 24-515

City eo an Stayton (City of Stayton)

Ribout renaj Kelet an Eowoj ko ilo Jukjukinbed eo Kollaiki Wonnen Komadmode Paak im Pool ko iomwin Lalem Iio

KAJJITŌK:

City eo an Stayton (City of Stayton) ej ke komman bwe armej ro ilo jukjukinbed eo ren kollaiki \$1.10 nan kajojo \$1,000 in wonnen bwidej im imon armej emoj etale wonneir nan an kien eo an jikin eo kollaiki wonnen komadmode jikin ikkure im kakkije iomwin lalem iio jino jen Julae 2026? Kakien ñan kelet ak jab kelet ilo ien ekāālel emaron komman an lablok jen jillu bojjaan wonnen eowoj ko an bwidej im em

MELELE EO EMOJ KAKADU:

City eo an Stayton (City of Stayton) ej kajeon in lelok bwe ribout ro ren kelet ilo jukjukinbed eo kollaiki wonnen eowoj eo an lalem iio enaj \$1.10 nan kajojo \$1,000 in wonnen bwidej im imon armej emoj etale, jino jen iio in jermal eo an 2026-2027, nan an wonmaanlok in jiban lale paak ko an city im Pool in Kokememej Baamle eo an Stayton (Stayton Family Memorial Pool).

Wonnen eowoj in rej lemaanlok enaj binej jenkwān kelet eo an ribout ro ilo jukjukinbed eo nan wonnen eowoj iomwin lalem iio enaj \$0.50 nan kajojo \$1,000 in wonnen bwidej im imon armej emoj etale im emoj an kar webben ilo 2021, im jemlok ilo Juun 30, 2026.

Ne enaj jejjēt aer kotobrak, wonnen eowoj in emoj an ribout kelet enaj komman bwe ren maron kommane jonan jermal im komadmod ko ilo ien in nan paak ko jonoul juon an City eo im bareinwot jikin ko jet inaboj im bareinwot pool eo an City aoleb armej rej kojerbale. Wonnen eowoj in emoj an ribout kelet enaj bar jiban kolla wonnen jermal ko nan kokmanmanlok paak im pool ko emoj bebe aer kommani ilo raan ko rej beddo tok.

Ne ejellok jaan jen wonnen eowoj in emoj an ribout kelet, City eo enaj aikuj kommane kelet ko ikijen waween aer kojermal jaan im enaj koba: kadiklok awa ko ebellok jikin kein ne ejab kiili pool eo; karumij aer kommane jermal ko aikuj ilo pool eo; kadiklok aer kokmanman im kejbarok paak ko an city; kaanjel e jermal ko emoj bebe nan kokmanmanlok kobban paak ko; im kiili paak ko. Kon jaan eo enaj itok jen bebe in lemaanlok wonnen eowoj in emoj an ribout kelet, City eo ej bebe an kollaiki wonnen paak im pool ko nan an wonmaanlok in lelok elon kain makutkut in ikkure im kakkije ko roktak nan armej ro rej jokwe ilo City eo.

Lablok eo ilo wonnen eowoj eo rej bebe in kommane enaj kolablok tarrin \$909,729 ilo



2026-27, \$937,021 ilo 2027-28, \$965,131 ilo 2028-29, \$994,085 ilo 2029-30 im \$1,023,908 ilo 2030-31 ñan aoleben joñan eo enaj \$4,829,874.

Kōmelele eo Alikar

Koonjel in rikwelok ro an City eo an Stayton (City of Stayton) ear lemaanlok Kakien ñan kelet ak jab kelet ilo ien ekāālel wonnen eowoj eo ilo jukjuginbed nan ribout ro an City eo. Ne enaj tobrak jen ribout ro, Kakien ñan kelet ak jab kelet ilo ien ekāālel in enaj kommane juon kelet in kolla eowoj ilo jukjuginbed iomwin lalem iio enaj \$1.10 nan kajojo \$1,000 in wonnen bwidej im imon armej emoj etale jino ilo Julae 1, 2026 nan kollaiki wonnen an wonmaanlok jermal in komadmod ko ilo paak ko an city im Pool in Kokememej Baamle eo an Stayton (Stayton Family Memorial Pool). Eowoj in rej bebe in kolablok enaj jolok eowoj eo an jukjuginbed kio an lalem iio emoj kar kotobrak ilo 2021, kon \$0.50 nan kajojo \$1,000 in wonnen bwidej im imon armej emoj etale im enaj jemlok kutien ilo Juun 30, 2026.

Ilo kar mokta, City eo ear kolla wonnen paak ko im pool eo kon wonnen eowoj ko rekkar bar jiban kollaiki wonnen jermal ko jet einwot laibrarae eo. Botab, ilo ien ekāālel eo an Mae 2021, City eo ear kwalok wonnen eowoj eo emoj an ribout kelet im rejenolok, juon wonnen eowoj eo emoj an ribout kelet rekkar kojejjet nan jermal ko nan komadmode laibrarae eo im wonnen eowoj eo kein karuo rekkar kojejjet nan wonnen komadmode paak ko im pool eo an City.

Ilo ien in City eo ej lale im komadmode 138 aika in bwidej nan paak im jikin ko inaboj emoj kommani. Jermal in komadmod ko nan jikin kein ekoba awa ko an rijerbal, ijin, im kein jermal ko an kejbarok aer mwijmwij wujooj, karreo, im emmon jikin kein. Ilo an lablok wonnen rijerbal, koba ilo an lablok wonnen eo emoj an ribout kelet nan injin im kein jermal ko, wonnen eowoj eo kio eban kollaiki aoleben wonnen aikuj ko nan komadmode paak ko an City eo. Kon bebe in lemaanlok wonnen eowoj in emoj an ribout kelet, City eo enaj kotobrak aikuj ko nan komadmod im kajeon in kolablok jikin ko rebellok ilo an komman paak ko rekaal im bar kobelloke Wilderness Park kon juon koontoreak in jermal ibben Santiam Water Control District. Ne ejellok bebe in lemaanlok wonnen eowoj in emoj an ribout kelet, ne rejab kolablok jermal ko, City eo enaj aikuj in maron kadiklok jermal ko ilo paak eo, kadiklok jermal ko rej kommane jorraan ko ilo paak, im kadiklok an armej maron kojerbal paak ko.

Pool in Kokememej Baamle eo an Stayton (Stayton Family Memorial Pool) ebellok enanin 60 awa aoleb wiik im ej lelok burokraam ko nan jodikdik im rutto jimor. Kejbarok pool eo ejab koba wot rijerbal im kein jermal ko an komadmod ko an aoleb raan botab ebar koba burojeek ko nan kommane jorraan ko im kokmanmanlok jikin ko. Ilo iio eo lok, City eo ear kojerbal juon opij ej etale jejjetin jermal ko ilo pol im enaj jiban lelok melele nan City eo nan loloorjak ke pool eo enaj wonmaanlok an maron jermal iomwin iio ko relon rej beddo tok. Jermal eo an jejjetin etale eo ekkar kalikar elon kain burojeek

ko wonneir enaj lablok nan \$920,000. Ilo an pool eo wor jidik an tobrak jen wonnen an armej kojobale, tobrak ko jen jaan kein rejab kollaiki wonnen aoleben jermal ko nan komadmode pool eo. Ne ejellok bebe in lemaanlok kolla ko jen wonnen eowoj in emoj an ribout kelet, City eo enaj aikuj lab an kadiklok an kolla wonnen jermal in komadmod ko nan pool eo, ekoba kadiklok awa ko, im emaron bar karumijlok jermal ko rej kokmanmanlok jikin eo innem enaj kojorraan an jikin in jermal iomwin ien aitok. An kilok pool eo renaj bar lomnak kake elane ejab tobrak wonnen eowoj in emoj an ribout kelet.

Jermal in jiban ko nan jikin ikkure im kakkije an City eo rej itok melele jen Ritel in Kwelok ro rej citizen in jikin eo im rej lelok ien ko aer nan lale Paak im Jikin Ikkure im Kakkije ko, im rej rojan ta jermal ko raurok im ta ko rej kollaiki jen tobrak ko jen wonnen eowoj eo emoj an ribout kelet. Ritel in kwelok rein rej lale jermal ko an paak ko an City im lelok melele nan bebe burokraam in ikkure im kakkije ko ibelakin City eo.

Wonnen eowoj eo emoj bebe in lelok ej \$1.10 nan kajojo \$1,000 \$1,000 in wonnen bwidej im imon armej emoj etale enaj jemlok ilo juon kolla eo emoj antoone ilo juon iio jen armej ro rej oner in bwidej im em enaj \$277, ekkar nan jonan wonnen bwidej im em ko ekka ilo ien in ilo Stayton im ej \$252,000. Aurok in kememej ke jonan aurok eo emoj etale ejab jonan wot aurok eo nan wonnen juon em ilo jikin eo.

(Melele in ear itok jen ibben: Alissa Angelo, Menija in Rijiban eo an City)



Kakien ñan kelet ak jab kelet ilo ien ekāālel 24-516

City eo an Woodburn (City of Woodburn)

Kokkaal Melele ko kobban Peba in Kakien nan Waween an City eo an Woodburn (City of Woodburn) Jerbal

KAJJITŌK:

City eo an Woodburn (City of Woodburn) aikuj komman kajimwe nan Peba in Kakien eo nan kokkaal, kakobaba, im kalikar melele ko kobban Peba in Kakien eo?

MELELE EO EMOJ KAKADU:

Peba in Kakien eo an Woodburn ej kalikar jejjetin karokin jermal ko an City eo Kakien ñan kelet ak jab kelet ilo ien ekāālel ej kakobaba melele nan Peba in Kakien eo an 1982 an City eo an Woodburn (City of Woodburn).

Kakobaba in Melele ko nan Peba in Kakien renaj einwot melele kein laajrak:

- Janiji taitol eo an Menija eo an City, komman oktak ilo jejjetin kajur in jermal ko emoj lelok nan Menija im Mayor eo, komelim an Koonjel eo komelim an jab kommane mennin aikuj eo an an Menija eo an City jokwe ilo jikin in, im lelok im jolok maron eo an Menija eo an Kotaan len;
- Janiji ekaalel in President eo an Koonjel nan kwelok eo kein kajuon ilo Janode alikin ekaalel eo ruo alen ilo juon iio;
- Likut juon bulaan nan idin ien nan kwelok ko ekka ien an Koonjel;
- Likut juon mo nan an rijabadok jea maron tōbrak nan jermal eo, einwot ke armej eo ejab maron belen ak baamle eo an juon rijermal eo an City ej jermal kon likiio in awa;
- Kokkaal kobban jeje ko bwe ren lukkun einwot melele ko ilo Peba in Kakien eo ej Waan Jonak an Douluul eo an City ko ilo Oregon;
- Jolok jekjen ko rejab maron kabin iomwin kakien ak rejab koba ilo kakien eo an state; im
- Jolok jejjetin melele ko rej kalikar leddik ak laddik ak pronoun ko

Kakien ñan kelet ak jab kelet ilo ien ekāālel in emoj kar lemaanlok nan ribout jen Koonjel in rikwelok ro an City an City eo an Woodburn (City of Woodburn) ekkar nan rojan in melele eo ear etal jen Kamiti eo ej Etale Peba in Kakien.

Kōmelele eo Alikar eo Alikar

Peba in Kakien eo an City eo an Woodburn (City of Woodburn) ej kojejjet karokin jermal ko, kajur ko, jermal ko, im mennin aikuj ko an kien eo an city. Jemenei eo an Oregon ej lelok “bwe ribout ro ilo kakien an aoleb city im tawūn kajur ...[eo] nan kakien im

kakobaba melele ilo peba in kakien eo an juon city ak tawūn.” Peba in Kakien eo an Woodburn rar etale im kokkaal melele kobban ilo 1982.

Koonjel in rikwelok ro an City eo an Woodburn (City of Woodburn) ear kajutak juon Kamiti in Etale Peba in Kakien nan lelok melele ko aer nan oktak ko emoj bebe in lemaanlok im kokkaal melele ko kobban Peba in Kakien eo. Kamiti eo ekkar wor jilijino membor ro, ekoba ritōl ro emōj kelet an torre in im moktalok emoj kar kelet an City im Booj eo ej Komadmod nan Doulul eo an Bejnef ro ilo Jikin eo an Woodburn (Woodburn Area Chamber of Commerce). Elon alen an kar kamiti eo kwelok ilo ien kwelok ko emoj kōjella nan aoleb armej nan aer komman rojan in melele. Einwot mottan jermal ko an, Kamiti eo ear katak kake peba in kakien ko an city ko jet, im bareinwot peba in kakien ko rej waan jonak jen Doulul eo an City ko an Oregon im Doulul eo ilo Aelon eo ej Kokmanmanlok Waween an Kien im Armej Jermal ibben Doon.

Kamiti eo ej Etale Peba in kakien emoj an rojan bwe mottan ko aurok an kien eo an city eo an Woodburn enaj jab oktak kobban, kejbarok ejja kain kien im jonan koonjel ro an city, kejbarok wot kein jermal eo an koonjel im jab komman oktak ilo waween aer kowebben kakien ko.

Ne enaj webben, bebe in lemaanlok eo an Peba in Kakien enaj ekka an koba:

- Janiji taito eo an Menija eo an City nan Menija eo an City (Jekjen 21 im bok melele jen Peba in Kakien eo);
- Janiji jejjetin kajur im jermal ko emoj lelok nan Menija eo an City, Mayor, im Koonjel in rikwelok ro an City, ekoba lelok aoleb maron bwe Menija eo an City en jiton, lale, im jolok aoleb rijermal ro an City, ijellokun Jāj eo an juon city ak tawūn im loar eo an city, im kojejjet an kalikar jermal eo an Menija jen jermal eo an Mayor einwot ke ej ritel in kien eo an City (Jekjen ko 20 im 21);
- Lelok maron nan an Koonjel in rikwelok ro an City jolok mennin aikuj eo nan jonan ien an Menija eo an City jokwe ilo jikin eo (Jekjen 21);
- Lelok im jolok maron eo an rijermal ro an city nan Menija eo an Kotaan len (Jekjen 21);
- Janiji ien ekāālel nan President eo an Koonjel nan kwelok eo kein kajuon ilo Tijemba kwelok eo kein kajuon ilo Janode alikin ekaalel eo ruo alen ilo juon iio (Jekjen 18);
- Likut melele ko jet nan idin ien ko rej komman an Koonjel eo jab kommane kwelok eo an ekka aoleb allon (Jekjen 13);
- Kakobaba mo nan Opij eo rijabadok jea maron tōbrak nan jermal eo, einwot ke armej eo ejab maron belen ak baamle eo an juon rijermal eo an City ej jermal kon likiio in awa (Jekjen 12);
- Kakobaba im kokkaal jeje iloan aoleb Peba in Kakien eo nan an lukkun einwot Peba in kakien eo ej Waan Jonak an Doulul eo an City ko an Oregon (Jekjen ko 3, 8, 13, 15, 25, 30, 31, 32, 38, 40);
- Jolok ak komman oktak ilo jekjen ko an Peba in Kakien rejab maron kabin ak rejab koba ilo kakien eo an state, ekoba rekoot ko an state aoleb armej remaron



- loe im kwelok ko, ekaalel ko, im kakien eo an bajet (Jekjen 13, 21, 38, 40), im
- Jolok jejjetin melele ko rej kalikar leddik ak laddik, melele ko rej kojejjjet, ak pronoun ko ilo Peba in Kakien eo im ilo ien remaron, janiji pronoun eo kon taitol ak jermal jen ejja jentij eo ak jekjen (Jekjen ko 12, 13, 17, 20, 21, 22, 24, 31, im 33).

Ne kakien ñan kelet ak jab kelet ilo pālōt in bout ilo palot eo ejab webben,
Woodburn enaj kojerbal wot peba in kakien eo an city kio.

Aoleben jeje ko emoj bebe in lemaanlok nan Peba in Kakien eo an Woodburn elane enaj bed ilo Opij eo an City eo an Woodburn (Woodburn City Hall) im ewor ilo:
<https://woodburn-or.gov>.

(Melele in ear itok jen ibben: Heather Plerson, Rijerbal eo ej Rekoot an City)

Kakien nan Kelet 24-517

Bukon eo ej Kejbarok KijeeK ilo Jikin eo Ejab Lab Armej ilo St. Paul (St. Paul Rural Fire Protection District)

Kelet eo nan Lelok Wonnen Eowoj ilo Jukjukinbed nan Wonnen Kejbarok Im Komadmod KijeeK & Idin Naninmij ko

KAJJITÖK:

Bukon eo an KijeeK aikuj ke lelok wonnen eowoj eo emoj an ribout kelet ej \$1.08 nan kajojo jonan aurok eo emoj etale kon \$1,000 iomwin lalem iio jino ilo 2026-2027 nan jermal ko rej komadmod idin jorraan? Kakien ñan kelet ak jab kelet ilo ien ekāālel emaron komman an lablok jen jillu bojjaan wonnen eowoj ko an bwidej im em

MELELE EO EMOJ KAKADU:

Bukon in KijeeK eo an St Paul (St Paul Fire District) ej lelok jiban ko ikijen kijeeK, idin naninmej, im jiban jen jorraan nan armej ro rej jokwe ilo St Paul im jikin ko iturin. Ilo ien in bukun eo an kijeeK ewor an 35 rijerbal ro rej jiban ikun kijeeK im 12 armej ro rej lelok jiban ilo jet nan komadmod rinaninmej.

Im ne enaj tobrak, jaan ko jen wonnen eowoj ko emoj an ribout kelet renaj:

- Kolla wonnen rijerbal ro rej komadmod naninmej im jorraan 24/7 (aoleb raan im aoleb awa).
- Kolla wonnen kein jermal ko remoor im jorraan.
- Kolla wonnen jermal ko aikuj nan kokmanmanlok kein jermal im kein ikun kijeeK ko ilo torre in remoor im jorraan nan kojerbal ilo idin ien.
- Enaj komman aer maron wia kein jermal ko renaj kejbarok rijerbal ro rej ikun kijeeK.
- Kolla wonnen aer wia kein jermal ko an EMS im nan ikun kijeeK.

Jermal ko an idin ien an bukun eo an kijeeK rej kolla jen eowoj ko wonnen bwidej im em.

Jonan eo emoj kajjitoke enaj tobrak enanin \$243,300 ilo 2026-2027; \$252,700 ilo 2027-2028; \$262,400 ilo 2028-2029; \$272,500 ilo 2029-2030, im \$283,300 ilo 2030-2031.

Woneen eowoj eo rej antoone nan kakien in nan kelet ak jab kelet ilo ien ekaalel ej jonan eo rej ANTOONE WÖT ekkar ñan melele ko elabtata aer jejjjet jen rietale eo an bukun ilo ien an komman antoone eo im emaroñ walok oktak jen wonnen ko diklok mokta; wonnen eowoj eo elabtata remaron boke iomwin kakien im wonnen koleek eo.

Bukon in Kejbarok KijeeK eo an St Paul (St Paul Fire District) ej kajeon bwe en tobrak an lablok wonnen eowoj eo emoj an ribout kelet ilo jukjukinbed kon jonan eo ej \$1.08 nan kajojo \$1,000 in jonan wonnen bwidej ak em eo emoj etale.



Ta Jerbal in Jiban ko Bukon eo ej lelok?

Bukon in Kijeek eo an St Paul (St Paul Fire District) ej kumi eo moktata ej komadmod kijeek, naninmej, im jiban ko an idin ien ilo jikin ko rej jermal. Bukon eo ej bar lelok jiban ko an waween bobrae jen kijeek, etale kijeek ko, lelok katak im melele nan armej, im jiban ko rejab an idin ien nan jiban armej.

Won eo Bukon eo ej jibane?

Bukon in Kijeek eo an St Paul (St Paul Fire District) ej jermal ilo tarrin jikin eo ej 48 jukwea mael im ekoba City eo an St Paul (City of St. Paul) im jikin ko iturin.

Ewi wāween an Bukon eo Ebōk an Jāān?

Bukon in Kijeek eo an St Paul (St Paul Fire District) ej bok kolla eo an jen juon jejjetin wonnen eowoj ko jen bwidej im em im ej 1.0622 jaan jidik nan kajojo taujin bwidej ak em eo emoj etale im wonnen an waan aujbitol ito tak.

Ewi waween aer naj kojerbal jaan ko jen wonnen eowoj eo emoj an ribout kelet?

Ne enaj tobrak, jaan ko jen wonnen eowoj ko emoj an ribout kelet enaj:

- **Lelok Jiban 24/7 (aoleb raan im aoleb awa) jen Rijeerbal ro rej Jiban Komadmod Idin Naninmej im Jorraan** – Wonmaanlok an etal kolla 24/7 (aoleb raan im aoleb awa) nan wonnen rijeerbal ro rej jermal paat time im komadmod idin naninmej im jorraan, loloorjak bwe aoleb ien ewor juon rijeerbal eo ej jermal paat time im ej komadmod idin naninmej im jorraan, ilo an bukun eo ad aikuji juon rijeerbal in EMT bwe en etal im jermal ibben rijeerbal eo ej komadmod idin naninmej im jorraan nan aoleb kall in imerjenji ko.
- **Kokkaal Kein Jermal ko Remoor im Jorraan** – Emoor im jorraan kein jermal ko an bukun eo im ejellok bebe nan bar wia. Wonnen eowoj eo emoj an ribout kelet enaj komman bwe bukun eo an kommane bar juon jikeduul in kokkaal e kein jermal ko im ewor waween ko nan kejbarok im kein jermal kapeel ko nan jiban kejbarok rijeerbal ro rej ikun kijeek im armej.
- **Lelok Wonnen Kommane Wa ko rej Mennin Aikuj** – Ilo an wa moor ko waan Bukun eo lablok wonnen kommani im kabok paat nan kein jermal ejino bar lablok an bin. Wonnen eowoj eo emoj an ribout kelet enaj kollaiki wonnen kein relablok ilo bajet eo nan komman im kejbarok kein jermal.
- **Wia Kein Kejbarok ko an Kajojo Rijeerbal** – Kein Kejbarok ko an Kajojo Rijeerbal ewor raan ko ejemlok aer jermal. Juon mottan nuknuk ko an rikun kijeek, im rej kejbarok rijeerbal eo ej komadmode jermal kauwotata ko jen an jorraan jen kijeek, enaj jermal iomwin 10 iio. Ilo ien in Bukun eo elon mottan nuknuk ko rej kejbarok rikun kijeek im rejab jermal iomwin 10 iio.
- **Wia Kein Jermal ko an EMS im Kijeek** – Kein jermal ko an EMS im kijeek an Bukun eo rebar moor im jorraan im renaj aikuji aer bar kokkaali ilo raan ko rej



beddo tok. Einwot juon waan jonak, ewor juon an Bukon eo Kein Kemour Armej modal 12 im emoj an jemlok kutien an jerbal im emoj an moor kein jerbal eo im ejellok waween eo jemaron kommane. Ilo ien an jorraan kain kein jerbal rot in enaj kommane bwe Bukon eo, kon an ioone elab jonan wa ko rej itak im jorraan iloan ial eo im ekomman an lon rinaninmej, emoj an juon wot kein jerbal nan komadmod ro rejjorraan. Elon rinaninmej rej aikuj kein komadmod ko nan jorraan, ad boklok bar juon kein jerbal jen juon opij ilo tawun ko iturid enaj komman rumij nan ad lale rinaninmej.

Ta wonnen eo nan armej ro rej kolla eowoj?

Wonnen eowoj eo nan bwidej ak em eo emoj etale ilo Bukon in Kijeeek eo an St Paul (St Paul Fire District) ej \$309,185, wonnen eo ej nan bwidej ak em emaron tarrin \$309.19 kajojo iio, ak emaron \$25.77 ilo juon allon.

Ak ñe wonnen eowoj ko emoj an ribout kelet rejab tōbrak?

Enaj kein kajuon kejbarok jiban ko nan komadmod naninmej im jorraan ko ilo idin ien ilo Bukon in Kijeeek eo an St Paul (St Paul Fire District), elane ejab tobrak eowoj eo emoj an ribout kelet, bukon eo an kijeeek eban maron kollaiki aoleben wonnen komadmod ko an idin ien rej lablok ak kolla wonnen kokkaal i kein jerbal ko elab aikuj.

Kwoj ke konaan melele ko relablok?

Lale www.stpaulfire.org

(Melele in ear itok jen ibben: Bryan Lee, Booj eo an Imon Kijeeek)

